

Հ Ա Շ Վ Ե Տ Վ ՈՒ Թ Յ ՈՒ Ն

ՍԱՐԳԻՍ ՀԱՅՈՑՅԱՆԻ ԱԼԲԱՆԻԱՅԻ ՀԱՆՐԱՊԵՏՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը

Սարգիս Հայոցյան

2. Զբաղեցրած պաշտոնը

Բարձրագույն կրթության և գիտության կոմիտեի նախագահ

3. Գործուղման վայրը և ժամկետները

Ալբանիայի Հանրապետություն, ք. Տիրանա, մայիսի 28-ից 30-ը, 2024 թվական

4. Հրավիրող կողմը

Ալբանիայի Հանրապետության կրթության և սպորտի նախարար

5. Գործուղման նպատակը (աշխատանքային որ խնդրի լուծման համար էր նախատեսված գործուղումը)

Մասնակցություն Եվրոպական բարձրագույն կրթական տարածքի նախարարական համաժողովին և գլոբալ քաղաքականության ֆորումին

6. Քննարկված թեմաները

- Բոլոնիայի գործընթացի առանցքային պարտավորությունների իրականացման համար լավագույն փորձն ու մարտահրավերները,
- Բոլոնիայի գործընթացի առանցքային պարտավորությունների իրականացման համար լավագույն փորձն ու մարտահրավերները,
- Թվային հմտությունների կիրառումը եվրոպական աշխատաշուկայում, բարձրագույն կրթական հաստատությունների դերը նոր մասնագիտությունների ձեռք բերման հարցում, ինչպես նաև արհեստական բանականության կիրառումը հետազոտությունների և կրթության մեջ,
- Բարձրագույն կրթության սոցիալական ուղղվածության ամրապնդում,
- Ակադեմիական որակավորումների ճանաչման հնարավորություններն ու մարտահրավերները,
- Բարձրագույն կրթության որակի ապահովմանն ուղղված քայլեր,
- Այլ ընթացիկ հարցեր:

7. Հանդիպումները, ելույթները, բարձրացված կամ քննարկված հարցերը

Սարգիս Հայրոցյանը մասնակցել է Եվրոպական բարձրագույն կրթական տարածքի նախարարական համաժողովին և Գլոբալ քաղաքականության ֆորումին՝ որպես ՀՀ կրթության, գիտության, մշակույթի և սպորտի նախարարի տեղակալի գլխավորած պատվիրակության անդամ: Սարգիս Հայրոցյանը մասնակցել է Եվրոպական բարձրագույն կրթական տարածքի նախարարական համաժողովի պաշտոնական բացման արարողությանը և մի շարք պանելային քննարկումներին, մասնավորապես՝ «Բարձրագույն կրթության սոցիալական ուղղվածության» և «Բարձրագույն կրթության որակի ապահովում. գլոբալ հեռանկարներ և ռազմավարություններ» խորագրերով նիստերին: Նիստերի ընթացքում քննարկվել են Բոլոնիայի գործընթացի հիմնական պարտավորությունների իրականացման փորձը և մարտահրավերները, Եվրոպական բարձրագույն կրթական տարածքում շարժունությունը խթանելու համար միջազգային համագործակցության ակտիվացումը, արհեստական բանականության կիրառումը հետազոտությունների և կրթության ոլորտներում, ակադեմիական որակավորումների ճանաչման հնարավորություններն ու մարտահրավերները, Եվրոպական բարձրագույն կրթական տարածքում ակադեմիական գերազանցության հիմնարար արժեքները, Բոլոնիայի գործընթացի շրջանակում բարձրագույն կրթության ոլորտում առկա նոր մարտահրավերները և դրանց լուծումները: Անդրադարձ է կատարվել նաև ակադեմիական բարեվարքության, բուհական ինքնավարության, բարձրագույն կրթության համար հանրային պատասխանատվությանն ուղղված միջոցառումների խթանմանը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Համաժողովի շրջանակում ընդունվել է Տիրանայի նախարարական կոմյունիկեն և Գլոբալ քաղաքականության ֆորումի հայտարարությունը:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Ոչ պաշտոնական աշխատանքային հանդիպում է տեղի ունեցել ԳԴՀ կրթության և հետազոտությունների դաշնային նախարարության խորհրդարանական պետքարտուղար Յենս Բրանդենբուրգի հետ, ինչպես նաև Գերմանիայի պատվիրակության ներկայացուցիչների հետ քննարկվել են ս.թ.

հունիսի 27-ից 28-ը Երևանում կայանալիք Հայաստան-Գերմանիա գիտության օրեր միջոցառմանը առնչվող հարցեր:

Պատվիրակության ղեկավար Արթուր Մարտիրոսյանի և պատվիրակության մյուս անդամների հետ Սարգիս Հայրոսյանը մասնակցել է Բոլոնիայի գործընթացին անդամ երկրների մի շարք պատվիրակների հետ հանդիպումներին:

10. Ստորագրությունը, ամսաթիվը

Սարգիս Հայրոսյան

31.05.2024թ.